

DEN AMBIENTE.....


Fotos y Texto: Jan Poets

EXPERIENCIA DI UN MILITAR ARUBANO NA IRAQ..BENJAMIN SCHWENGLE..

** E siman aki Den Ambiente a haya un grato sorpresa for di e joven militar Arubano, Benjamin Schwengle, kende keto bay ta na Iraq y a manda Den Ambiente algun regalo di un T-Shirt, un baraha di carta cu potretnan di tur e enemigonan di Iraq cu Saddam Hussein na cabez. Tambe Benjamin Schwengle a manda nos un carta, den cual e ta desea pa hopi di nos Arubananan coresponde cu su persona. Prome cu Benjamin Schwengle a viaha pa Iraq, boso sirbido a realiza un entrevista enbibo cu su persona durante e programa di Poets Show na Top 95 fm. Despues no a tende nada mas di Benjamin Schwengle y hopi hende tabata puntra kico a pasa cu Ben., con e lo ta pasando desde cu el a bai y con hopi tempo mas e tin cu keda na Iraq.

Pa esnan cu no conoce Benjamin Schwengle, esaki ta su background. Benjamin a nace na Aruba, y cu apenas 7 aña di edad el a bay biba na Merca hunto cu su Mama. Ben a join U.S. Army cu su 18 aña y na April, 2003 el a viaha pa Iraq pa asina forma parti di "Operation Iraqi Freedom". Ben ta parti di 4th Infantry Division base na Fort Carson, Colorado. E unidad cu e ta parti di dje ta Charlie 3-29 Field Artillery di 3rd Brigade. Desde cu e ta na Iraq, Benjamin a wordo promovi pa Staff Sergeant di su seccion. E ta na commando di su tanki hunto cu su compañero soldaat nan. Su prome stop tawata Kuwait na "Camp Jersey". E la keda mas of menos 1 luna. Durante di e luna ey, Ben y su grupo di soldaat nan mester a limpia nan equiponan y tambe encarga cu e tanki ta cla pa hasi su trabou. Despues cu tur cos ta inspecta, su batayon a move pa Iraq.

Su prome stop cu su convoy na Iraq tabata e ciudad di Kirkuk. Nan estadia na Kirkuk tabata hopi bon. E hende nan local (Kurds) a trata nan hopi bon y hasta nan tabata habri porta di nan cas pa invita nan bebe thee of coffee. Su estadia na Kirkuk tabata mas o menos 1 luna. Nan



trabou eynan tabata patruya e ciudad y cuida e base Americano.

Despues di Kirkuk, Ben a move pa Balad, Iraq. Atrobe pa 1 luna. Eynan e hendenan tabata wak nan cu mal wowo. Nan no tabata welcome. Na Balad, tambe e tabata patruya y cuida e base military Americano.

Actualmente Ben ta na Samarra, na unda e ta move entre Samarra City y Samara Airfield. Nan campo ta set up na e Airfield. Na Samarra atrobe nan no ta welcome. Compara cu Kirkuk, Samarra ta mas peligroso, pasobra eynan tin hopi resistencia di e coalicion. Door di esey su Brigada a wordo manda pa patruya e ciudad y proteha e Airfield y tambe nan ta hasi misjon nan special.

Na Samarra, Ben y su grupo a encontra hopi tiramento. Cada 2 of 3 dia nan ta wordo ataca tanto roadside bombs of cu mortar attack. E soldaat nan ta contra ataca e Iraqi nan, cu mortar bombs. Ta hopi dificil pa nan haya sa si nan tabata exitoso, pasobra esaki ta tuma lugar den oranan di anochi. Un mortar shell a explota mas of menos 20 meter di Benjamin su tanki. Durante di e atake aki un otro tanki a wordo bombardea y un di e soldaat nan a fayece.

E ultimo mision cu el a hasi tabata cuater dia pasa. E ta yama Operation Ivy Cyclone and Operation Ivy Cyclone II. Desde cu e ta den Army, esaki tabata e experiencia mas grandi cu el a pasa aden. Aki nan e soldaat nan a pone nan training den accion. Ben a conta su famia cu e tabata parti di e grupo cu a bom un

di Saddam's su Kasteel y tambe otro edificionan. Durante di e atake aki un mortar shell a cay 80 meter di nan tanki. Pa esun cu no sa kico ta e operation aki, e soldaat nan ta ataca usando "155mm artillery, 120mm Mortars, AH-64 "Apache" helicopter y tiramento directo di "Bradley Fighting Vehicles" y M1A1 "Abrams" tanks. E objeto di e operation aki ta pa destrui unda e anti-coalition nan ta sconde. Asina por stop matamento di e soldaat nan y hende nan inocente.



Ora Ben a yega Iraq pa hasi su trabou, e di cu na Iraq bo mester custuma cu su clima. Hopi calor y santo. Un di e cartanan cu su famia a ricibi di dje, e ta kirbi cu e ta come por lo menos 1 liber di santo cu su cuminda. E calor ta 43 grado celcius. Su cuminda ta consisti di 3 MRE pa dia (Meals Ready to Eat). Na cumisamento cada 4 dia nan por tuma un baño cortico. E ta drumi ariba un cot cerca di su tanki, cu un sleeping bag.

Ora Ben y su amigonan ta rest nan ta hunga carta, scucha musica y come Chinese plum cu su famia ta manda pe for di Aruba. Tambe e ta lesa cartanan cu e ta haya di su famianan, asina e por tene su moral halto. Un luna pasa Ben a cuminsa sinti depress, hayando falta di su famia nan y cosnan cu e ta custuma di hasi. Iraq na su so ta depress. Ben ta un hende masha fuerte, pero e di despues di 7 luna cu e mesun un hende nan, bo ta sinti gana di core bay. Actualmente Ben ta sintiele hopi miho. Ultimo cu su famia a papia cu ne, e la pidi pa tur hende di Aruba mandele carta, asina e por pasa su Pasco y Aña Nobo na Iraq pensando ariba cas. E ta sintiele diprimi pasobra e ta pasele leu for cas. Pero e di asina ana habri e ta kasi di bini cas. Eta manda hopi saludo pa tur su famianan na Aruba y tambe pa e pueblo di Aruba cu ta apoye. Su deseo ta pa e bin Aruba pa asina goza di Carnaval 50. Mientrastanto Benjamin Schwengle ta hacienda tur e tramitenan pa Poets TV bishita su persona y asina tambe realiza un cobertura

di su trabao tan dificil y sumamente peligroso na Iraq.

Benjamin Schwengle ta desea pa hopi hende manda carta of tarjeta pa su persona na e address aki bao:


SSG Schwengle, Benjamin
L. E.
C/3-29FA, 3BCT
4th Infantry Division
Unit 92616
APO, AE 09323-2616
USA.



DEN AMBIENTE....

Fotos y Texto: Jan Poets

**FOTONAN EXCLUSIVO DI E MILITAR ARUBANO BENJAMIN SCHWENGLE NA IRAQ..
POETS TV MUY PRONTO LO CUBRI E JOVEN MILITAR ARUBANO NA IRAQ!!..**



DEN AMBIENTE....

Fotos y Texto: Jan Poets

ARELYS FRANKEN TA LANSA SU PRODUCCION CLASICO... "E MOTIBO"....

** E talentoso cantante, Arelys Franken, kende aña pasa a causa un impacto grandi cu su exitoso cancion di Pasco, "Un Instrumento di Pas", ta bolbe lansa un tremendo cancion di Pasco pa e temporada di fin di aña aki. Sin duda Arelys Franken no ta un artista desconoci pa e pueblo di Aruba. Hopi tabata e peticionnan pa un cancion di Pasco e aña aki atrobe di Arelys Franken y un biaha mas



Arelys Franken ta presenta un cancion cu ta hiba e number "E Motibo". E cancion aki ta un produccion clasico traduci na papiamento cual Arelys ta interpreta cu su bunita bos y ta priminti di cautiva e curason di Aruba un biaha mas. Elwin Rincones e propietario di Pro Q Studios, un compania di produccion, grabashon, diseño y replicashon di disco compacto, a mira e joya


artistico den Arelys Franken cual a ofrece pa produci Arelys y ta completamente convenci cu e produccion aki lo duna un toke special na e temporada di Pasco. "E motibo" ta un di e produccionnan riba e disco compacto cu ta hiba e number "Pro Q goes Christmas". Por a compronde cu e CD aki ya ta riba mercado, cual ta obtenible serca e propio talentoso cantante Arelys Franken...

GRUPO FORTALESA GRABANDO NAN VIDEO CLIP....

** Grupo Gaitero Fortalesa ta cumpli tres aña di existencia y ya caba a pone un disco compacto nobo riba plaza. Grupo Fortalesa ta un grupo cu ta consisti di musiconan creyente den Jesucristo di cinco diferente Iglesia. E proposito di e grupo aki ta pa mostra atravez di nan musica cu Cristo Jesus ta e motibo cu awe os tin Pasco. Pasco ta e demostracion mas grandi di amor cu universo hama a experiencia. Dios a stima mundo asina tanto cu El a manda su unico Yiu pa esnan cu ta kere den dje por haya

bida eterno. P'esey Grupo Fortalesa su mensahe central ta Cristo. Cada cantica riba e CD den su totalidad ta exalta Cristo na prome lugar. Scuchando e CD di Grupo Fortalesa, nos ta saca conclusion cu e grupo aki ta un grupo di gaita di un nivel hopi halto. E CD ta prepara cuidadosamente bao direccion di e maestro Doodle Sophia y Roberto Cortes cu ta dos gaitero di hopi experiencia y gran trayectoria. Musiconan di taya manera Ivan Quandus, Carlos Bislip, Delbert Bernabela, Juan Tromp, Federico Martis,

Hildward Croes, Johnny Croes y otronan mas a participa sea como musico y ingeniero di e CD di Fortalesa. Actualmente ya grupo Fortalesa ta tocando den tur iglesianan na Aruba. Tambe Grupo Fortalesa ta presenta na diferente lugarnan riba nos Isla. Diadomingo 30 di november proximo, Grupo Fortalesa lo ta den un concierto di Gospel di gaita hunto cu Gaita Ministerio y Alabansa di Aruba y un grupo di gaita gospel di Bonaire. Carchinan pa e concierto of un CD, yama na 9662659/5640050/96451 55...



** Aki por aprecia e momentonan di e grabacion pa e ritmo di wiri, cual grabacion a ser realiza pa Leo Maduro kende ta encarga pa produci e video clip di Grupo Fortalesa. Demas fotonan ta ilustra Maestro Doodle Sophia riba su cuarta y tambe na momento cu maestro Doodle Sophia ta warm up su dedenan magico hunto cu algun integrantenan di Grupo Fortalesa, prome cu el a graba su parti. E produccion completo aki ta priminti di bay ta uno super exitoso...